

Morning Regional Dogri News Bulletin, 28 December 2024

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- साबका प्रधानमंत्री डाक्टर मनमोहन सिंह हुंदी अंतिम जातरा अज्ज नमीं दिल्ली च कांग्रेस मुख्यालय थमां शुरु होग ते उंदा खीरी संस्कार पूरे राजकीय सम्मान कन्नै कीता जाहग।
- केन्द्री गृह मंत्रालय नै आखेआ ऐ जे सरकार साबका प्रधानमंत्री डाक्टर मनमोहन सिंह हुंदे स्मारक लेई जिमीं आबंटित करोग।
- उपमुख्यमंत्री सुरिंदर चौधरी होरें आम लोकें दिएं समस्याएं गी बेल्ले सिर हल करोआने दी सरकार दी वचनबद्धता गी फही पक्का कीता ऐ।
- राई-बाई मैहकमे दे मंत्री होरें आखेआ ऐ जे जम्मू-कश्मीर च कृषि खेतर च ढांचागत निर्माण लेई 117 करोड़ 58 लकख रपे दिएं महत्वपूर्ण परियोजनाएं गी मंजूर कीता गेआ ऐ।
- उधमपुर दिएं उच्चिणं धारें पर इस रूतै दी पैहली बर्फबारी दे कन्नै पिच्छले द'ऊं म्हीनें थमां पवै करदी खुशक ठंडु दा दौर मुक्की गेआ ऐ।

<><><><><><>

Manmohan Last Journey

साबका प्रधानमंत्री डॉ. मनमोहन सिंह हुंदा अंतिम संस्कार अज्ज नमीं दिल्ली च कीता जाग। उंदी अंतरिम जातरा बड्डलै साड्डे 9 बजे नमीं दिल्ली स्थित कांग्रेस मुख्यालय थ्वां शुरू होइए निगम बोध घाट तगर जाग। डॉ. मनमोहन सिंह हुंदा राजकीय सम्मान कन्नै खीरी संस्कार कीता जाग। अज्ज बड्डलै करीबन 8 बजे उंदे पार्थिव शरीर गी ऑल इंडिया कांग्रेस कमेटी दे मुख्यालय आहनेआ गेआ। कांग्रेस कार्य समिति नै डॉ. मनमोहन सिंह हुंदा काल होई जाने पर इक शोक प्रस्ताव पारित कीता। पार्टी नै डॉ. सिंह हुंदा काल होई जाने पर शोक जाहिर करदे होई आखेआ जे उंदे जीवन ते कम्म नै भारत दे भविक्ख गी गहराई कन्नै आकार दिता। प्रस्ताव च मते समृद्ध ते इकजुट भारत दे निर्माण आस्तै साबका प्रधानमंत्री उंदे मूल्ये गी बनाई रक्खने दी बचनबद्धता जाहिर कीती गेई।

<><><><><><>

Home Ministry Memorial

केंद्री गृह मंत्रालय नै आखेआ ऐ जे सरकार साबका प्रधानमंत्री डॉ. मनमोहन सिंह हुंदे स्मारक आस्तै थाहर उपलब्ध कराग। मंत्रालय नै इक बयानै च आखेआ ऐ जे सरकार गी इस सरबंधे च कांग्रेस अध्यक्ष मल्लिकार्जुन खड्गे हुंदे थ्वां अनुरोध हासिल होआ। मंत्रालय नै आखेआ ऐ जे केंद्री मंत्रीमंडल दी बैठक दे फौरन मगरा गृह मंत्री अमित शाह होरें खड्गे ते डॉ. मनमोहन सिंह हुंदे परोआर गी दस्सेआ जे सरकार स्मारक आस्तै थाहर आवंटित करोग।

<><><><><><>

Dy CM Deputations

उपमुख्यमंत्री उमर अब्दुल्ला हों सरकार दी बचनबद्धता गी फही पक्का करदे होई आखेआ जे मकामी लोकें दी चिंताएं ते परेशानिएं दा समेंसिर नबेड़ा करने लेई जरूरी तंत्र बनाई दिता गेआ ऐ। उनें एह गल्ल प्रतिनिधिमंडलें कन्नै मलाटी करने मगरा गल्लबात करदे होई आकखी। इस दौरान जम्मू-कश्मीर निजी स्कूलें दी समन्वय समिति दे इक प्रतिनिधिमंडल ने प्रदेश च निजी स्कूलें गी पेश आवारदी दिक्कतें बारै मंत्री हों गी दस्सेआ। उनें स्कूलें लेई प्रबंधन कमेटियें गी मंजूरी देने दी सख्त प्रक्रिया उप्पर बी चिंता जाहिर कीती।

<><><><><><>

Javed Rana Review

जल शक्ति ते जनजातीय मामलें आहले मैहकमें दे मंत्री जावेद अहमद राणा हों कल मेंबर च पुंछ जिले दे सब्बनें मैहकमें थमां बड्डे ऐहलकारें कन्नै इक जायजा बैठक लाई। इस दरान बक्ख-बक्ख योजनाएं तैहत पुंछ जिले च तोढ़ चाढ़े जा करदे विकास कम्ममें च हासल प्रगति दा जायजा लैता गेआ। बैठक गी संबोधित करदे होई मंत्री हों जारी परियोजनाएं गी बेल्ले सिर सबूरा करने दे निर्देश जारी कीते। उनें अधिकारिएं गी हुकम रसाल कीता जे बक्ख-बक्ख सरकारी योजनाएं दे लाह योग्य लाभार्थिएं तगर पुजाने दे मकसद कन्नै इक पुख्ता सरिस्ता अमल च आहनना जकीनी बनाया जा।

<><><><><><>

Archives-Respository

ऐतिहासिक दस्तावेजें ते रिकार्डें दी सांभ-संभाल मतल्लक भंडार नै जम्मू च ऐतिहासिक महत्व आहले दस्तावेजें ते रिकार्डें दे संरक्षण आहली इक व्यापक परियोजना रम्भी ऐ। इस तोशाखाने च 17मीं सदी दे प्राचीन लेख, दस्तावेज ते फोटूआं मजूद न जेहिइयां जम्मू-कश्मीर दे इतिहास बारै महत्वपूर्ण जानकारीयां उपलब्ध करोआंदे न। सांभ-संभाल मतल्लक इस परियोजना गी तोशाखाने दे माहिर अमले आसेआ हत्थै च लैता गेदा ऐ जेहड़े भलेआं अज्जै-कल्लै दिएं तकनीकें ते उपकरणें दी मदाद कन्नै इ'नें रिकार्डें दा संरक्षण करै करदे न। मेद ऐ जे एह परियोजना अगले म्हीने तगर सबूरी होई जाहग ते एहदे कन्नै अनमुल्ले रिकार्डें दी लम्मी अवधि तगर सांभ-संभाल जकीनी बनोग।

<><><><><><>

DIET Ranban

रामबन दे जिला शिक्षा ते सिखलाई संस्थान - डाईट आसेआ अध्यापकें लेई स्कूलें च सेहत ते आरोग्य बारै इक सिखलाई कार्यक्रम दी शुरुआत कीती गई ऐ। इस कार्यक्रम दा मुख मकसद, अध्यापकें गी कौशल शिक्षा विभाग आसेआ चलाए जा करदे कौशल विकास ते होर दुए कोर्सें बारै जानकार बनाना ते कौशल शिक्षा कन्नै जुड़ने परैन्त विद्यार्थिएं लेई अगगे मजूद संभावनाएं बारै अवगत करोआना बी ऐ हा। स्कूलें च सेहत ते आरोग्य गी बढ़ावा देने लेई सेहत ते परोआर कल्याण मंत्रालय ते शिक्षा मंत्रालय आसेआ रम्भी गेदी एह इक सांझी पैहलकदमी ऐ।

इस बारै सहाडे जिला संवाददाता कन्नै गल्ल करदे होई डाईट रामबन दे जिला स्तरी मास्टर ट्रेनर शहनवाज़ गनी होरें आखेआ

<><><><><><>

Agri-Projects

जम्मू-कश्मीर दे राई-बाई सरबंधी खेतर च बड्डे बदलावें दी दिशा च इक महत्वपूर्ण गैंह पुट्टदे होई प्रदेश च 117 करोड़ 58 लक्ख रपे दे राई-बाई ढांचागत निर्माण आहले प्रोजेक्ट मंजूर कीते गे न। एह जानकारी राई-बाई उत्पादन, ग्रामीण विकास ते पंचैती राज मैहकमें दे मंत्री जावेद अहमद डार होरें कल जम्मू च लाई गेदी इक बैठक दरान सांझी कीती। मंत्री होरें दस्सेआ जे प्रदेश च राई-बाई दे लगातार विकास ते ग्रामीण स्तर पर खुशहाली जकीनी बनाने दी दिशा च इ'नें नमें प्रोजेक्टें दी मंजूरी, इक ऐतिहासिक गैंह साबत होग। उनें गलाया जे इ'नें महत्वपूर्ण परियोजनाएं कन्नै नां छड़ा राई-बाई दे खेतर च ढांचागत विकास होग सगुआं समूलचे जम्मू-कश्मीर च सिंचाई दे साधनें च बाददा होग ते राई-बाई मतल्लक सरिस्ता बी तगड़ा बनोग। उनें गलाया जे नाबार्ड तैहत मंजूर कीते गेदे होरनें प्रोजेक्टें च पशुपालन विभाग दे 12 प्रोजेक्ट बी शामिल न जिंदे तैहत 4 जहार 67 करोड़ 4 लक्ख रुपें दे बजट कन्नै 11 वेटनरी अस्पतालें दा निर्माण ते दर्जा बधाने सने इक सिखलाई संस्थान दा निर्माण बी शामिल होग।

<><><><><><>

May-U-DC Udhampur

प्रधानमंत्री आवास योजना - शैही दी अमल-आवरी च हासल प्रगति दी समीक्षा लेई उधमपुर दिएं डिप्टी कमिशनर सलोनी राय होरें डीसी दफ्तर दे मिनी कांफ्रेंस हॉल च इक बैठक सददी। इस दरान डिप्टी कमिशनर होरें बक्ख-बक्ख इलाकें स्हाबै इस योजना तैहत पंजीकरण दी स्थिति बारे जानकारी लैती ते सरबंधत अधिकारिएं गी निर्देश दिता जे ओह जिले दे त्रौनें मुंसिपल इलाकें च विशेष केंपें दा सरिस्ता करोआन। सलोनी राय होरें शैही इलाकें च ऐसे लोकें दी शिनाख्त करने लेई आखेआ जिंदे कोल अपनी कोई जमीन नेई ऐ तांजे इस गल्लै गी पक्का कीता जा जे इनें लोकें गी इस योजना दे दायरे हेठ आंदा जाई सके।

<><><><><><>

PM-Mann Ki Baat

प्रधानमंत्री नरेन्द्र मोदी अपनेमाहवार रेडियो कार्यक्रम "मन की बात " दे राएं औंदे ऐतवारें 29 दिसम्बर गीदेश-विदेश च रौहने आहले श्रोताएं कन्नै बचार सांझे करडन। हर म्हीने देअखीरले ऐतवारें दिनै 11 बजे प्रसारत होने आले इस कार्यक्रम दी एह 117मीं किशतहोग। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीताजाहग। एहदे इलावा एह प्रसारण आकाशवाणी खबरें दी वैबसाइट ते न्यूज ऑनए.आई.आर मोबाइल ऐप पर बी उपलब्ध होग। एहदे कन्नो कन्नी आकाशवाणी समाचार,डी.डी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें परबी एहदी लाइव स्ट्रीमिंग उपलब्ध होग। आकाशवाणी परा मन की बात दे प्रसारण दे तुरतमगरा मकामी भाशाएं च एहदा अनुवाद बी प्रसारण कीता जाहग।

<><><><><><>

Snowfall Udhampur

उधमपुर दिअं उच्चिअं धारें पर इस रूतै दी पैहली बारी दे कन्नै पिच्छले द'उं म्हीनें थमां पवै करदी खुशक ठंडु दा दौर बी मुक्की गेआ ऐ। इस बर्फबारी कन्नै सैलसफा च बाददा होग ते करसानें ते मुकामी लोकें गी बी मता राहत मिलोग। उधमपुर जिले च पंचतरी, लड्डा धार, लाट्टी, डुडु, बसंतगढ़ ते होरनें उच्चिअं धारें पर बर्फबारी होने दे मैदानी इलाकें च बरखा करी सीत होर बधी गेआ ऐ। ऊ'आं जम्मू-श्रीनगर राश्ट्री जरनैली सिड़क फिलहाल गड्डिअं दी आओजाई लेई बंद होई गेदी ऐ। मशहूर सैलानी थाहें पत्नीटॉप ते नत्था टॉप च बी बर्फबारी होने कारण सैलानिअं दी खुशी दूनी होई गेदी ऐ। नमें ब'रे दी आमद कोला पैहले इ'नें सैलानी थाहें पर बर्फबारी करी सैलानिअं दी गिनतरी च खरा मता बाददा दर्ज कीता गेआ ऐ। इस बारै होर मती जानकारी देआ करदे न स्हाड़े उधमपुर संवाददाता

<><><><><><>

Poonch-Rescue

पुंछ पुलसै कल संझा मुगल रोड पर चाट्टापानी थाहर भारती बर्फबारी कारण फंसे दे 6 यात्रियें गी कामयाबी कन्नै बचाई लैता। एह हादसा उस्सलै होआ जिसले शोपियां थमां सुरनकोट बक्खी जा'रदी 2 गड्डियां बर्फ च फंसी गेइयां। बचाव दल ते पुलसै दी सांझी कार्रवाई ते जत्नें कारण फंसे दे सब्बनें 6 यात्रियें गी बचाई लैता गेआ।

पुलसै सब्बनें गी आग्रह कीता ऐ जे ओह उप्परली थाहरें पर बर्फबारी आहली शिड़कें पर यात्रा करने थमां इस्सलै परहेज करन ते मौसम दी स्थिति बारै जानकार रौहन। उने ंअग्गे आखेआ जे जनता दी सुरक्षा ते भलाई-बेहतरी उंदी पैहली प्राथमिकता ऐ।

<><><><><><>

Kisthwar-Accident

किश्तवाड़ जिले दी पाडर सोहाल शिड़क पर इक शिड़क हादसे च 3 जनें दी जान चली गई। एह हादसा उस्सलै पेश आया जिसलै इक गड्डी शिड़कें थमां रूलकियै इंगी खड्ढे च जाई पेई। पुलस सूत्रें दस्सेआ जे गड्डी दे ड्राइवर नै स्टीयरिंग उप्पर नियंत्रण गवाई दिता जेदे कन्ने गड्डी खाई च डिग्गी पेई। इस हादसे बारै जानकारी हासल होंदे गै बचाव टीम कार्रवाई शुरू करी दिती ते हादसे दे शिकार लोकें दा पता लाने लेई तपाशी अभियान शुरू कीता।

<><><><><><>